

Вознесение Господне.

ВСЕНОЩНОЕ БДЕНИЕ. КАНОН:

ПЕСНЬ 1:

ПЕРВЫЙ КАНОН ПРАЗДНИКА, ГЛАС 5:

Ирмос: Спасителю Бóгу/ в мóри лю́ди немóкрыми нога́ми наста́вльшему,/ и фараóна со всево́инством потóплъшему,/ Тому́ Еди́ному по́йм:// я́ко просла́вился. *(Дважды)*

Припев: Сла́ва, Тебе́, Бо́же наш, сла́ва Тебе́

Тропарь: Воспо́йм вси лю́дие,/ на ра́мех херувíмских возне́сшуся со сла́вою Христу́,/ и спосади́вшему нас одесну́ю Отца́,// песнь побéдную: я́ко просла́вился. *(Дважды)*

Припев: Сла́ва, Тебе́, Бо́же наш, сла́ва Тебе́

Тропарь: Ходáтая Бóгу и челове́ком Христа́,/ ли́цы а́нгельстии ви́девшие, с плóтию в вѣ́шних удивля́хуся,// согла́сно же воспева́ху песнь побéдную: я́ко просла́вился. *(Дважды)*

Припев: Сла́ва, Тебе́, Бо́же наш, сла́ва Тебе́.

Тропарь: Я́вльшемуся Бóгу на горé Сина́йстей,/ и за́кон да́вшему богови́дцу Мои́сею,/ от горы́ Елеóнския возне́сшемуся плóтию,// Тому́ вси воспо́йм: я́ко просла́вился.

Припев: Пресвята́я Богоро́дице, спаси́ нас.

Тропарь: Пречи́стая Ма́ти Бо́жия,/ Воплоще́ннаго от Тебе́, и от недр Родите́ля не отсту́пльшаго Бóга/ непреста́нно моли́,// от вся́каго обстоя́ния спасти́, я́же созда́.

ВТОРОЙ КАНОН ПРАЗДНИКА, ГЛАС 4:

Ирмос: Отве́рзу уста́ моя́,/ и напо́лнятся Ду́ха,/ и сло́во отры́гну Цари́це Ма́тери,/ и явлю́ся, све́тло торже́ствуя,// и воспою́, ра́дуясь, То́я чудеса́. *(Дважды)*

Припев: Сла́ва, Тебе́, Бо́же наш, сла́ва Тебе́.

Тропарь: Воскрéсл еси́ тридне́вен, по естеству́ безсме́ртный,/ и яви́лся еси́ единона́десятим, и всем ученико́м,/ и востéкл еси́ Христе́ ко Отцу́,// о́блаком но́симь всех Тво́рче.

Припев: Сла́ва, Тебе́, Бо́же наш, сла́ва Тебе́.

Тропарь: Вопи́ет я́вственнó поя́ Дави́д богодохнове́нный,/ взы́де Госпо́дь к небе́сным, в воскликнове́нии и трубы́ шу́ме,// и к началосве́тному Отцу́ до́спе.

Сла́ва Отцу́ и Сы́ну и Свято́му Ду́ху.

Тропарь: Состаре́вшийся, Го́споди, мир мно́гими грехми́,/ обновив стра́стию

Твоёю и востанием Твоим,/ возшёл еси носимь облаком к пренебесным://
слава славе Твоёй.

И ныне и присно и во веки веков, аминь.

Богородичен: Владыку родила еси всех, всенепорочная Владычице,/ страсть вольную
принимшаго,/ и возшедша к Своему Отцу,// Егоче не остави, аще и плоть взят.

КАТАВАСИЯ ПЯТИДЕСЯТНИЦЫ, ГЛАС 4:

Хор: Божественным покровен,/ медленозычный мраком,/ изви-
тйствова Богописанный закон:/ тину бо оттряс очесе умнаго,/ видит
Сущаго,/ и научается Духа разуму,// хваля Божественными песнями.

ПЕСНЬ 3:

ПЕРВЫЙ КАНОН ПРАЗДНИКА, ГЛАС 5:

Ирмос: Силою Креста Твоего Христе,/ утверди мое помышление,/ во еже пети
и славити// спасительное Твое вознесение. *(Дважды)*

Припев: Слава, Тебе, Боже наш, слава Тебе.

Тропарь: Возшёл еси Жизнодавче Христе ко Отцу,/ и вознёсл еси род наш Челове-
колюбче,// неизреченным благоутробием Твоим. *(Дважды)*

Припев: Слава, Тебе, Боже наш, слава Тебе.

Тропарь: Чини ангельстии Спасе,/ человеческое естество видевше совосходящее
Тебе,// непрестанно удивляеми воспеваху Тя.

Припев: Слава, Тебе, Боже наш, слава Тебе.

Тропарь: Ужасяхуся ангельстии лица Христе,/ зряще Тя с телесем вознесшася,// и
воспеваху святое Твое вознесение.

Припев: Слава, Тебе, Боже наш, слава Тебе.

Тропарь: Естество человеческое, Христе,/ тлением падшее возставил еси,/ и вос-
ходом Твоим вознёсл еси,// и с Собою нас прославил еси.

Припев: Пресвятая Богородице, спаси нас.

Богородичен: Моли непрестанно Чистая,/ Произшедшаго от ложесн Твоих,/ из-
бавитися прелести диаволи,// поющим Тя Матерь Божию.

ВТОРОЙ КАНОН ПРАЗДНИКА, ГЛАС 4:

Ирмос: Твоя песнословцы, Богородице,/ Живый и Независтный Ис-
точниче,/ лик себе совокупльшия, духовно утверди,/ в Божественней
Твоёй славе// венцев славы сподоби. *(Дважды)*

Припев: Слава, Тебе, Боже наш, слава Тебе.

Тропарь: Возмите врата небесная,/ се прииде Христос Царь твари,/ в тело облкся

земно́е, // го́рнейшим глаго́лаху си́лам до́льнейшия.

Припев: **Сла́ва, Тебе́, Бо́же наш, сла́ва Тебе́.**

Тропарь: **Взыска́в Христе́, прельще́ннаго преле́стию зме́ивою Ада́ма, / я́ко в сегó оболкíйся, / возше́л еси́, и сел еси́ одесну́ю, я́ко сопресто́лен Отцу́, // пою́щим а́нгелом Тебе́.**

Сла́ва Отцу́ и Сы́ну и Свято́му Ду́ху.

Тропарь: **Земля́ пра́зднует и лику́ет, / раду́ется и не́бо, вознесе́нием днесь Творца́ тва́ри, // предъявле́нно соединíвшаго расто́ящаяся хоте́нием.**

И ны́не и прíсно и во ве́ки веко́в, ами́нь.

Богородичен: **Сме́рти родíвши Разруши́теля, / Еди́наго безсме́ртнаго Бо́га, / Де́во Ма́ти Все-
чи́стая: / Того́ прíсно умоли́, // умерщвля́ющия мо́я стра́сти умори́ти, и спасти́ мя.**

КАТАВАСИЯ ПЯТИДЕСЯТНИЦЫ, ГЛАС 4:

Хор: **Разве́рзе утробы́ неча́дствовавшия́ у́зы, / доса́ду же неудоботерпи́му
благоча́дствующия, / еди́на моли́тва проро́чицы дре́вле А́нны, / но-
ся́щия дух сокруше́н, // к Си́льному, и Бо́гу ра́зумов.**

ЕКТЕНИЯ МАЛАЯ...

СЕДАЛЕН ПРАЗДНИКА, ГЛАС 8:

**Всед на о́блаки небесны́я, / оста́вив мир су́щим на земли́, / возше́л и сел
еси́ одесну́ю Отца́, / я́ко Единосу́щен Сему́ сый и Ду́ху. / А́ще бо и во плóти
яви́лся еси́, но непрело́жен пребы́л еси́: / те́мже чаеши соверше́ния коне́ц, /
судíти гряды́й на зе́млю ми́ру всему́. / Правосу́де Го́споди, пощади́ ду́ши
на́ша, / прегреше́ний оставле́ние да́руя, // я́ко Бог ми́лостив, рабо́м Твои́м.**

Сла́ва Отцу́ и Сы́ну и Свято́му Ду́ху и ны́не и прíсно и во ве́ки веко́в. Ами́нь.

СЕДАЛЕН ПРАЗДНИКА, ГЛАС 8:

**Всед на о́блаки небесны́я, / оста́вив мир су́щим на земли́, / возше́л и сел
еси́ одесну́ю Отца́, / я́ко Единосу́щен Сему́ сый и Ду́ху. / А́ще бо и во плóти
яви́лся еси́, но непрело́жен пребы́л еси́: / те́мже чаеши соверше́ния коне́ц, /
судíти гряды́й на зе́млю ми́ру всему́. / Правосу́де Го́споди, пощади́ ду́ши
на́ша, / прегреше́ний оставле́ние да́руя, // я́ко Бог ми́лостив, рабо́м Твои́м.**

ПЕСНЬ 4:

ПЕРВЫЙ КАНОН ПРАЗДНИКА, ГЛАС 5:

Ирмос: **Услы́шах слух си́лы Креста́, / я́ко рай отве́рзется им / и возопíх: //
сла́ва си́ле Твое́й Го́споди. (Дважды)**

Припев: **Сла́ва, Тебе́, Бо́же наш, сла́ва Тебе́.**

Тропарь: Вознёслся еси во славе, ангелов Царю,/ Утешителя нам от Отца послав./
Темже вопием:// слава Христе вознесению Твоему. *(Дважды)*

Припев: Слава, Тебе, Боже наш, слава Тебе.

Тропарь: Яко взыде Спас ко Отцу с плотию,/ удивившася Ему ангельская воинства, и
возопиша:// слава Христе вознесению Твоему. *(Дважды)*

Припев: Слава, Тебе, Боже наш, слава Тебе.

Тропарь: Ангельския силы горнейшим вопияху:/ врата возьмите, Христу нашему
Царю,// Егоже воспеваем вкупе со Отцем и Духом.

Припев: Пресвятая Богородице, спаси нас.

Богородичен: Дева роди, и матерняя не позна,/ но Мати убо есть, Девую же пре-
бысть,// Юже воспевающе, радуйся Богородице, взываем.

ВТОРОЙ КАНОН ПРАЗДНИКА, ГЛАС 4:

Хор:

Ирмос: Седяй в Славе/ на Престоле Божества/ во облаце легце,/ прииди Ии-
сус Пребожественный,/ Нетленную Дланию/ и спасе зовущия:// слава,
Христе, силе Твоей. *(Дважды)*

Припев: Слава, Тебе, Боже наш, слава Тебе.

Тропарь: Исус Жизнодавец приим, ихже возлюбил,/ на Елеонскую гору восходит,/ и
сих благословил,/ и облаком носимь Отчая недра доспел,// яже никакоже оставил.

Припев: Слава, Тебе, Боже наш, слава Тебе.

Тропарь: Мир весь празднует видимый и невидимый:/ в радости ангели ликуют,/ и
и человецы славословяще непрестанно вознесение,// плотию Соеди-
нившегося нам благодостию.

Слава Отцу и Сыну и Святому Духу.

Тропарь: Разрушивый державу смерти яко бессмертный Господи,/ бессмертие
всем даровал еси Человеколюбче,/ и вознёслся еси во славе,// зрящим Тя
честным учеником Иисусе всеильне.

И ныне и присно и во веки веков, аминь.

Богородичен: Блаженно чрево Твое Всенепорочная бысть:/ чрево бо адово преславно
истощившаго,/ несказанно вместити сподобилася еси,// Егоже моли спасти
нас поющих Тя.

КАТАВАСИЯ ПЯТИДЕСЯТНИЦЫ, ГЛАС 4:

Хор: Царю царей,/ Яковый от Яковаго един Слове произшедый,/ от Отца
безвиновнаго,/ равнощнаго Твоего Духа апостолом истинно послал
еси,/ яко Благодетеля поющим:// слава державе Твоей Господи.

ПЕСНЬ 5:

ПЕРВЫЙ КАНОН ПРАЗДНИКА, ГЛАС 5:

Ирмос: **У**треннююще вопиём Ти/ Гóсподи, спаси ны:/ Ты бо еси Бог наш,//
рáзве бо Тебé ино́го не зна́ем. *(Дважды)*

Припев: **С**лава, Тебé, Бóже наш, слава Тебé.

Тропарь: **И**сполнив весéлия вся́ческая Милостиве,// к гóрним сýлам с плóтию
пришёл еси́. *(Дважды)*

Припев: **С**лава, Тебé, Бóже наш, слава Тебé.

Тропарь: **А**нгельския сýлы взéмлема Тебé видевше,// вратá, взывáху Царю́
на́шему, возмíte. *(Дважды)*

Припев: **С**лава, Тебé, Бóже наш, слава Тебé.

Тропарь: **А**пóстоли видевше возвыша́ема Спáса,// с трéпетом взывáху Царю́
на́шему: слава Тебé.

Припев: **Пр**есвятáя Богорóдице, спаси́ нас.

Богорóдичен: **Д**éву по рождествé поём Тя Богорóдице,// Ты бо Бóга Слóва плóтию
мíрови родила́ еси́.

ВТОРОЙ КАНОН ПРАЗДНИКА, ГЛАС 4:

Ирмос: **У**жасóшася вся́ческая/ о Божéственной слáве Твоей:/ Ты бо, Неиску-
собра́чная Дéво,/ имéла еси́ во утрóбе над все́ми Бóга/ и родила́ еси́
Безлётнаго Сýна,/ всем воспевáющим Тя// мир подавáющая. *(Дважды)*

Припев: **С**лава, Тебé, Бóже наш, слава Тебé.

Тропарь: **У**мертвív смерть Твоеóу смёртию Гóсподи,/ взем íхже возлюбил еси́,/
возшёл еси́ на Мáсличную гóру святую́,// и оттóду востéкл еси́ Христé к
Твоему́ Родíteлю, óблаком носímь.

Припев: **С**лава, Тебé, Бóже наш, слава Тебé.

Тропарь: **С**трáнно Твое́ рождествó, стрáнно Твое́ воскресéние,/ стрáнно и стрáшно
Твое́ Жизнодáвче, éже от горы́ Божéственное вознесéние,/ éже изобразу́я
Илиá четверокóнный восхождáше,// воспевáя Тя Человеколóбче.

Слава Отцý и Сýну и Святóму Дýху.

Тропарь: **З**рящим апóстолом вещáху áнгели:/ мýжие галилéйстии, что чудитéся
вознесéнию Жизнодáвца Христá:/ Сей придет пáки на зéмлю// судíti
мíру всему́, я́ко Судия́ прáведнейший.

И нýне и прýсно и во вéки векóв, амíнь.

Богорóдичен: **Д**éву сохрани́в Тя по рождествé нетлénну,/ восхóдит Христóс ко Отцý Бого-
родíteльнице, Егóже не оста́ви,/ áще и плоть прият из Тебé, мýсленную же и

одушевлённую, // за мѣлость неизречённую.

КАТАВАСИЯ ПЯТИДЕСЯТНИЦЫ, ГЛАС 4:

Хор: **Решительное очищѣние грехѡв, / огнедохновенную примѣте Духа рѡсу, / о чѣда светообразная церковная. / Нѣне от Сиѡна бо изыде закѡн, // языкоогнеобразная Духа благодѣть.**

ПЕСНЬ 6:

ПЕРВЫЙ КАНОН ПРАЗДНИКА, ГЛАС 5:

Ирмос: **Обыде мя бѣздна, / гроб мне кит бысть, / аз же возопѣх к Тебѣ Человеколюбцу, // и спасѣ мя десница Твоя Гѡсподи. (Дважды)**

Припев: **Слава, Тебѣ, Бѡже наш, слава Тебѣ.**

Тропарь: **Взыгрѣшася апѡстоли, / зряще на высотѣ днесь Зиждителя взѣмлема, / уповѣнием Духа, // и страхом зовѣху: слава восходу Твоему. (Дважды)**

Припев: **Слава, Тебѣ, Бѡже наш, слава Тебѣ.**

Тропарь: **Предстѣша ѡнгели, / вопиюще Христѣ учеником Твоим: / ѣмже ѡбразом видесте Христѣ восходяща с плѡтию, // паки придет Прѣведный всех Судия. (Дважды)**

Припев: **Слава, Тебѣ, Бѡже наш, слава Тебѣ.**

Тропарь: **Яко видѣша Тя Спасѣ наш небѣсныя сѣлы, / на высотѣ взѣмлема с тѣлом, / зывѣху, глаголюще: // велико Владѣико, человеколюбие Твое.**

Припев: **Пресвятѣя Богородице, спасѣ нас.**

Богородичен: **Купинѣ Тя неопалимую, и гѡру, / и лѣствицу одушевлённую, и дверь небѣсную // достѡйно славим Марѣе славноя, православных похвалѡ.**

ВТОРОЙ КАНОН ПРАЗДНИКА, ГЛАС 4:

Ирмос: **Божѣственное сѣе и всечестное / совершающе прѣзднество, / Богомѡдрии, Богомѣтере, / приидѣте, руками восплѣщим, // от Нея рѡждшагося Бѡга славим. (Дважды)**

Припев: **Слава, Тебѣ, Бѡже наш, слава Тебѣ.**

Тропарь: **Да каплют нам свѣше ѡблацы весѣлие вѣчное, / Христѡс бо, ѡблаком яко херувѣмы носѣмый, // к Своему Отцу восхѡдит днесь.**

Припев: **Слава, Тебѣ, Бѡже наш, слава Тебѣ.**

Тропарь: **Плѡти явився подобием, / прѣжде разстоящаяся собрал еси во едино Человеколюбче, / и вознѣслся еси Щѣдре в небѣсная, // зрящим Тя учеником Твоим.**

Слава Отцу и Сыну и Святому Духу.

Тропарь: **Что червлѣны рѣзы плѡти соединѣвшагося дебелству, / святѣи ѡнгели**

Христá зряще вещáху, // стрáсти честнѣя Божѣственныя носяща образы.

И ныне и присно и во веки веков, аминь.

Богородичен: Поём Отроковице зачатие, / поём Твое неизреченное рождество, // ѡмже избáвихомся Чѣстая тли и озлоблѣния, / и мрачнаго áдова затворѣния.

КАТАВАСИЯ ПЯТИДЕСЯТНИЦЫ, ГЛАС 4:

Хор: Очищѣние нам Христѣ / и спасѣние Владыко, / возсиял еси от Дѣвы, / да яко пророка / от звѣря морскаго персей Иону, // от тли исхитиши всего Адама всеродна падшаго.

ЕКТЕНИЯ МАЛАЯ...

КОНДАК ПРАЗДНИКА, ГЛАС 6:

Еже о нас исполнив смотрѣние, / и яже на земли соединив Небесным, / вознѣслся еси во славе, Христѣ Бóже наш, / никакоже отлучаяся, / но пребывая неотступный, / и вопия любящим Тя: // Аз есмь с вами, и никтоже на вы.

ИКОС:

Яже земли на земли оставивши, / яже пѣпельная персти уступающии, / приидите воспрянем, / и на высоту возведѣм очи и мысли, / вперѣм виды, / вкупе и чувства, на небесная врата смѣртнии, / непщуйм быти в Масличной горѣ, / и взирати на Избавляющаго на облацех носима. / Отонуду бо Господь на небеса востече, / и тамо даролюбѣзны дары раздая апостолом Своим, / утѣшив я яко Отец, и утвердив я, / наставив яко сынов, и рече к ним: не разлучаяся вас, // Аз есмь с вами, и никтоже на вы.

ПЕСНЬ 7:

ПЕРВЫЙ КАНОН ПРАЗДНИКА, ГЛАС 5:

Ирмос: В пещи огненной / песнословцы спасий отроки, // благословен Бог отец наших. *(Дважды)*

Припев: Слава, Тебѣ, Бóже наш, слава Тебѣ.

Тропарь: На облацех света вознесийся, и спасий мир, // благословен Бог отец наших. *(Дважды)*

Припев: Слава, Тебѣ, Бóже наш, слава Тебѣ.

Тропарь: На раму Спасе, заблуждшее вознесся, // Бóгу и Отцѣ привел еси.

Припев: Слава, Тебѣ, Бóже наш, слава Тебѣ.

Тропарь: Возшедый во плоти к безплотному Отцѣ, // благословен Бог отец наших.

Припев: Слава, Тебѣ, Бóже наш, слава Тебѣ.

Тропарь: Умерщвленное наше грехом естество вознесся, // Твоему свойственному Отцѣ, Спасе, привел еси.

Припев: Пресвятая Богородице, спаси нас.

Богородичен: От Девы рождся, Юже Богородицу соделал еси, // благословен Бог отец наших.

ВТОРОЙ КАНОН ПРАЗДНИКА, ГЛАС 4:

Ирмос: Не послужиша твари Богомудрии / паче Создавшего, / но, огненное прещение мужески поправше, / радовахуся, поюще: // препетый отец Господь и Бог, благословен еси. *(Дважды)*

Припев: Слава, Тебе, Боже наш, слава Тебе.

Тропарь: Светлый Ты Свет суща, подъят облак Господи, / от земли паче ума восприемлема / и небеснии собори восхвалиша со апостолы, глаголюще: // Боже благословен еси.

Припев: Слава, Тебе, Боже наш, слава Тебе.

Тропарь: Рукама вси радуящиеся восплещим, вознесением Христовым, и воскликнем: / взыде Бог во гласе трубне, и седе одесную, // яко сопрестолен Отцу во веки.

Слава Отцу и Сыну и Святому Духу.

Тропарь: Поя древле Моисей великий, зываше: / да поклонятся восходящу Христу небеснии ангели, яко всех Царю, // емуже зовем: отец Господи и Боже благословен еси.

И ныне и присно и во веки веков, аминь.

Богородичен: О чудес преславных! / Како вместила еси / Бога невместимаго Богорадованная, плотию обнищавшаго, / и со славою мною в небесная вознесшагося днесь, // и оживившаго человеки?

КАТАВАСИЯ ПЯТИДЕСЯТНИЦЫ, ГЛАС 4:

Хор: Согласная возшумя органская песнь, / почитати златосотворенный бездушный истукан: / Утешителя же светоносная благодать почествует, / еже вопити: // Троице Единая, равносильная, безначальная, благословена еси.

ПЕСНЬ 8:

ПЕРВЫЙ КАНОН ПРАЗДНИКА, ГЛАС 5:

Ирмос: Из Отца прежде век рожденного Сына, и Бога, / и в последняя лета воплощенного от Девы Матере, / священницы пойте, // людие превозносите во вся веки. *(Дважды)*

Припев: Слава, Тебе, Боже наш, слава Тебе.

Тропарь: Во двою существу возлетевшаго Жизнодавца Христа на небеса со

славою,/ и Отцú соседящаго,// священницы пойте, людие превозносите во вся веки. *(Дважды)*

Припев: **Слава, Тебе, Боже наш, слава Тебе.**

Тропарь: **От рабóты идольския тварь избáвившаго,/ и представившаго ту свободну Твоему Отцú,/ Тебе Спасе поём,// и Тебе превозно́сим во вся веки. *(Дважды)***

Припев: **Слава, Тебе, Боже наш, слава Тебе.**

Тропарь: **Своём схождéнием низложившаго супостáта,/ и Своём возше́ствием вознесшаго челове́ки,// священницы пойте, людие превозносите во вся веки.**

Припев: **Пресвятáя Богородице, спаси нас.**

Богородичен: **Херувимов превы́шшая явилася еси́ Богородице Чистая,/ во чре́ве Твоём си́ми Носимаго носившая:// Егóже со безплóтными, челове́цы славослóвим во вся веки.**

ВТОРОЙ КАНОН ПРАЗДНИКА, ГЛАС 4:

Ирмос: **Отроки благочестивыя в пещи/ Рождество́ Богородичо спасло́ есть;/ тогда́ убо образуемое,/ ны́не же де́йствуемое,/ вселенную́ всю воздвизáет пети́ Тебе:/ Гóспода пойте, дела́,// и превозносите Егó во вся веки. *(Дважды)***

Припев: **Слава, Тебе, Боже наш, слава Тебе.**

Тропарь: **Яв́шася умове апóстолом в вознесéнии, и вещáху:/ что взира́юще стоите́ дивя́щеся?/ Сей восходя́й в небéсная,/ придет и па́ки судити́ иже на земли́ челове́ком,// Судия́ сый Ед́ин.**

Припев: **Слава, Тебе, Боже наш, слава Тебе.**

Тропарь: **Да́дим Бóгу вели́чие,/ хвалы́ соглáсие воскликнем,/ воспóим, ликóим, рука́ми же восплещим:/ взы́де Бог наш на небеса́ от земли́,/ а́нгелом, архáнгелом пою́щим Сего́,// я́ко Влады́ку и Творца́ всех.**

Благословим Отца́, и Сы́на, и Свята́го Духа, Гóспода.

Тропарь: **Взятся превы́ше А́нгел естество́ наше, дре́вле отпа́дшее,/ и на престóле посажде́но бысть Божéственне, па́че смы́сла./ Приидите́, торжеству́им и воззовéм:// Гóспода пойте дела́, и превозносите во вся веки.**

И ны́не и пр́сно и во ве́ки веко́в, ами́нь.

Богородичен: **Се Сын Твой Богородице,/ пленив Крестóм Своём смерть, воскресе́ тридне́вен,/ и ученико́м Своём я́влься, востече́ к небéсным:/ с ними́же Тебе́ поклоня́ющеся// поём и славослóвим во вся веки.**

КАТАВАСИЯ ПЯТИДЕСЯТНИЦЫ, ГЛАС 4:

Хор: **Хва́лим, благословим, поклоня́емся Гóсподеви, пою́ще и превозно-**

сяще во вся вѣки.

**Разрешаетъ úзы,/ и орошаетъ пламень,/ трисвѣтлый Богоначалія
Образ:/ поютъ отроцы,/ благословитъ же Единаго Спаса и Вседетеля,/ яко
Благодетеля// сотворенная всяческая тварь.**

На 9-й песни «Честнейшую» не поем.

Диакон: Величай душе моя,/ вознесагося от земли на небо, Христа Жизнодавца.

ПЕСНЬ 9:

ПЕРВЫЙ КАНОН ПРАЗДНИКА, ГЛАС 5:

Ирмос: Ты паче ума и словеса, Матерь Божию,/ в лето Безлетнаго неизреченно рождшую, // вернии, единомудренно величаем.

Припев: Величай душе моя, // вознесагося от земли на небо, Христа Жизнодавца.

Ирмос: Ты паче ума и словеса, Матерь Божию,/ в лето Безлетнаго неизреченно рождшую, // вернии, единомудренно величаем.

Хор поет припевы:

Припев: Величай душе моя, // вознесагося от земли на небо, Христа Жизнодавца.

Чтец читает тропари:

Тропарь: Тебе Избавителя мира Христа Бога, / апостоли видяще Божественно возвышаема, // со страхом играюще величаху.

Припев: Величай душе моя, // вознесагося от земли на небо, Христа Жизнодавца.

Тропарь: Тебе Избавителя мира Христа Бога, / апостоли видяще Божественно возвышаема, // со страхом играюще величаху.

Припев: Величай душе моя, // вознесагося от земли на небо, Христа Жизнодавца.

Тропарь: Твою обожившуюся плоть / зряще Христе, на высотѣ ангели, / друг ко другу глаголаху: // воистинну Сей есть Бог наш.

Припев: Величай душе моя, // вознесагося от земли на небо, Христа Жизнодавца.

Тропарь: Тебе безплотных чинове Христе Боже, / на облацех вземлема видяще, зываху: // славы Царю, врата возмите.

Припев: Величай душе моя, // вознесагося от земли на небо, Христа Жизнодавца.

Тропарь: Тебе сошедшаго даже до послѣдних земли, / и человека спасаго, // и восхождением Твоимъ возвысившаго, сего величаем.

Припев: Величай душе моя, // вознесагося от земли на небо, Христа Жизнодавца.

Богородичен: Радуйся, Богородице Мати Христа Бога, / Егже родила еси, / днесь от зем-

лі возносіма// со апóстолы зрящи, возвеличала еси.

ВТОРОЙ КАНОН ПРАЗДНИКА, ГЛАС 4:

Припев: **А́нгели восхожде́ние Влады́ки зряще, ужаса́хуся,// ка́ко со сла́вою
взя́тся от земли́ на го́рняя.**

Ирмо́с: **Всяк земноро́дный/ да възигра́ется, Ду́хом просвеща́емь,/ да торже-
ству́ет же Безплóтных умóв естество́,/ почита́ющее священное торже-
ство́ Богома́тере,/ и да вопи́ет:/ ра́дуйся, Всеблаже́нная,// Богоро́дице,
Чи́стая Присноде́во.**

Припев: **А́нгели восхожде́ние Влады́ки зряще, ужаса́хуся,// ка́ко со сла́вою
взя́тся от земли́ на го́рняя.**

Ирмо́с: **Всяк земноро́дный/ да възигра́ется, Ду́хом просвеща́емь,/ да торже-
ству́ет же Безплóтных умóв естество́,/ почита́ющее священное торже-
ство́ Бого-
ма́тере,/ и да вопи́ет:/ ра́дуйся, Всеблаже́нная,// Богоро́дице, Чи́стая Присно-
де́во.**

Хор поет припевы:

Припев: **А́нгели восхожде́ние Влады́ки зряще, ужаса́хуся,// ка́ко со сла́вою
взя́тся от земли́ на го́рняя.**

Чтец читает тропари:

Тропарь: **О дарóв па́че постиже́ния!/ О та́инства стра́шнаго!/ Все́ми бо вла-
ды́чествуяй, от земли́ отходя́ к небéсным,/ ученико́м послá Ду́ха Свята́го,/ про-
свети́вшего сих смысл,// и о́гненны сотвори́вшего благода́тию.**

Припев: **А́нгели восхожде́ние Влады́ки зряще, ужаса́хуся,// ка́ко со сла́вою
взя́тся от земли́ на го́рняя.**

Тропарь: **Полцы́ учени́честии, Господь рече́, вы се́дите во Иерусали́ме,/ и Аз
низпослю́ вам Уте́шителя́ друга́го,/ Отцу́ сопресто́льна, и Мне равно-
честна,// Егóже ви́дите взима́ема, и о́блаком све́тлым носи́ма.**

Припев: **А́нгели восхожде́ние Влады́ки зряще, ужаса́хуся,// ка́ко со сла́вою
взя́тся от земли́ на го́рняя.**

Тропарь: **Взя́тся я́ве великолéпие вы́ше небéс, плóтию обнища́вшего,/ и сосе-
де́нием Отца́ почтёся естество́ наше отпа́дшее:/ торжеству́им, и согласо́но
вси воскликнем,// и восплещим рука́ми раду́ющесея.**

Припев: **А́нгели восхожде́ние Влады́ки зряще, ужаса́хуся,// ка́ко со сла́вою
взя́тся от земли́ на го́рняя.**

Богородичен: **Свет от Све́та возсия́вый, Всенепоро́чная, из Тебе́ возсия́,/ и че́рность
безбо́жия всю разруши́,/ и в но́щи спя́щих просвети́.// Сего́ ра́ди вси по**

дóлгу Тя во веки прісно ублажа́ем.

КАТАВАСИЯ ПЯТИДЕСЯТНИЦЫ, ГЛАС 4:

Припев: **А́нгели восхожде́ние Влады́ки зря́ще, ужаса́хуся, // ка́ко со сла́вою
взя́тся от землі на го́рняя.**

Катавасия: **Ра́дуйся Цари́це, / Матеродéвственная сла́во: / вся́ка бо удобообра-
ща́тельная благоглаго́ливая уста́ / витійствовати не мо́гут, / Тебе́ пе́ти
достóйно: / низумева́ет же ум всяк, Твое́ Рождество́ разумéти. // Те́мже
Тя согла́сно сла́вим.**

ЕКТЕНИЯ МАЛАЯ...

СВЕТИЛЕН ПРАЗДНИКА:

**Ученико́м зря́щим Тя, / возне́слся еси́ Христé ко Отцу́ соседя́, / а́нгели
предтеку́ще зовя́ху: / возмі́те врата́, возмі́те, // Царь бо взы́де к нача́льному
Свéту сла́вы.**

Сла́ва Отцу́ и Сы́ну и Свято́му Ду́ху.

СВЕТИЛЕН ПРАЗДНИКА:

**Ученико́м зря́щим Тя, / возне́слся еси́ Христé ко Отцу́ соседя́, / а́нгели
предтеку́ще зовя́ху: / возмі́те врата́, возмі́те, // Царь бо взы́де к нача́льному
Свéту сла́вы.**

И ны́не и прісно и во ве́ки веко́в. Ами́нь.

СВЕТИЛЕН ПРАЗДНИКА:

**Ученико́м зря́щим Тя, / возне́слся еси́ Христé ко Отцу́ соседя́, / а́нгели
предтеку́ще зовя́ху: / возмі́те врата́, возмі́те, // Царь бо взы́де к нача́льному
Свéту сла́вы.**